

LA BÉFANA

*Ji nzacce pròpete pecché a sta pòvera Béfanaccia
l'ane fatta accuscì brutta ca mme pare na stréja,
ca ch'ù nase a ccalà la faccia devènda facciaccia
e accuscì accungjata la vide ca rejale carréja.*

*Pèrò sta vecchjarèdda pure se jè brutta tande
jè bbóna assaje assaje e t'è nu còre d'óre
pecché rejale a i wagliule porta a tutte quande
e lu fa che tanda prejézza e che tande amóre.*

*Jéssa sòp'a la scópa còrre e vòla da qua e da dda,
pecché vulanne a cchjù wagliule rejale po' purtà.*

*Ma sta vecchjarèdda brutta e sécca sécca
ce sènde curriva quanne nge ndevina, quanne ng'azzécca.*

*Scì, pecché a nu waglióle che l'òcchje bèdde
nu belle rejanétte che rejale cia purtate
ma nne jéva che nnènde bbóne stu jucarèdde
che ddu waglióle ca sòrde jéva nate.*

*A n'aute cia purtate na bececlettina bèlla
ma nzapéva ca stéva nghjuwate nd'a na carruzzèlla.
Accata n'aute c'è presendata che nu belle pallóne,
ma che nu cjòppe nne jéva che nnènde bbóne.*

*“A tté belle waglióle vispe e biònde,
che l'òcchje azzurre ca pare nu bambenèlle,
t'aje purtate stu culurate mappamònde.
Nne lu vide accóme jè tónne e belle?”*

*“Te reingrazeje, Béfanina mija, du rejale ca m’à purtate
ma nne me sèrve, pecché se me cchjamine mbacce
pu vedé ca nge véde, ji nne vède nènde pecché so’ cecate,
perciò de stu còse bèlle e tónne che me ne facce.*

*A mmé me basta sóle na carézza,
o sóle qualche paróla bbóna
ji vède sóle quèsta de bellézza,
sóle quèste dummanne a la Madònna.”*

*“M’ada perdunà figghje mija
fammete accarezzà sti bèlle guangióle.
A tté te dénghe sóle nu wasce e fammene jì vija
pecché vaje a truwà n’aute bèlle waglióle”.*

*Accusci pigghja la scópa e vóla sópa i titte
e vulanne ncèle mmèz’a li stèlle d’óre
adóva ne chembrònda tande d’angiulitte
ca fane u girotónde tra lóre e lóre.*

*E ndande ca warda sti Carubbine tutte spenzerate
mbacce li cumbare nu surrise de trestézza,
penzanne a ddi wagliuncidde sfurtunate,
ch’u córe chjéne de tanda amarézza.*

*Allóra sta vecchiarèdda sécca e che dda brutta faccia
ce lèva u muccuatóre da la cjòcca e lèsta lèsta,
all’assacrésa, ce ssuca qualche lagremuccia,
pecché che jéssa stanòtte, nne jè fésta.*

e.p.